

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0060408 24
Zenica, 27.11.2025. godine

OPĆINSKI SUD U KAKANJU
- Sudiji za prethodno saslušanje -
KAKANJ

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, p o d i ž e m

O P T U Ž N I C U

Protiv:

K. S., neosuđivan,

što je:

dana 05.09.2024. godine, oko 14,25 sati, u K., upravljajući putničkim motornim vozilom marke „Land Rover“ reg. oznaka ... krećući se ulicom M., iz pravca naselja V. prema K., vozio neoprezno i nedovoljno pažljivo, jer se po ulasku u lijevu krivinu kod broja ... kretao brzinom od 67 km/h, a koja brzina je za 17 km/h bila veća od dozvoljene brzine kretanja kroz naselje, svjestan da pri toj brzini po izlasku iz navedene krivine može izgubiti kontrolu upravljanja nad vozilom i tako ugroziti javni promet, ali je olako držao da se to neće desiti, pa je postupajući suprotno odredbama člana 44. stav 1. Zakona o osnovama bezbjednosti saobraćaja na putevima u BiH, vozeći tako po izlasku iz navedene krivine izgubio kontrolu upravljanja nad svojim vozilom , a potom se prednjom stranom vozila popeo na trotoar sa desne strane puta kojim su se u tom momentu kretale pješakinje L. A. i njezina mlđb. kćer, kada je došlo do istovremenog udara prednje strane vozila u pješakinju u L.A. i betonsku podzidu sa metalnom ogradom koja je stajala uz navedeni trotoar, ugrozivši na taj način sigurnost javnog prometa uslijed čega je L.A. zadobila teške tjelesne povrede u vidu iščašenja oba koljena, preloma prvog članka četvrtog prsta lijevog stopala i amputaciju trećeg prsta desnog stopala, prelom nastavka pačalne kosti desne podlaktice, dok je uslijed ovog udara došlo i do oštećenja ograde i metalnog stuba sa dijelom podzide vlasnika D. E.,

čime je počinio krivično djelo Teška krivična djela protiv sigurnosti javnog prometa iz člana 336. stav. 3. u vezi člana 332. stav 3. u vezi stava 1. KZ F BiH.